

Trace Boulevard nobo temporalmente cambia na BALASHI

ORANJESTAD, 23 mei — Si anteriormente nos a publica, cu e boulevard nobo di Oranjestad pa San Nicolas te na Pos Chiquito lo haci comunicacion cu e caminda existente, na e momentonan aki tur hende por mira, cu e comunicacion ta ser haci ya for di e brug na Balashi. E planan original a cambia y e pida nobo ta bira mas cortico? Senor N. Schuit, jefe di Dienst Openbare Werken a frankifica nos riba e pregunta aki. E cambio den e caminda proyecta por lo pronto ta solamente di caracter temporal pa motivo di falta di un mihor brug.

Ora cu na fin di 1960 Bestuurscollege di Aruba a informa di e prome planan tocante extension di aeropuerto y cambio di e caminda principal, cu ta comunica Oranjestad cu San Nicolas, nan a papia ainda di un cambio di caminda basta simpel, lo cual k'era meor, cu e caminda principal lo wordo traha bao di e cabez di e startbaan cu ta extende te den e lagoon. Mas tanto cu nan tabata avanza cu estudio di e problema di aeropuerto y e trahamien to di planan pa mehoracion di e aeropuerto, e expertonan a bini mas firme na e conclusion, cu e actual caminda principal pa San Nicolas lo tin cu ser cambia completamente, pa baxa noord di e aeropuerto. E factornan cu a haci e cambio aki necesario tabata:

1. un caminda nobo, lo tin un existencia insegur, como cu algun dia lo por bira necesario pa extende e startbaan, door di cual e caminda lo tin cu ser cambia atrobe y costo di hopi placa;
2. un caminda banda di cabez di e startbaan a presenta alavez peligernan mas grandi, cu actualment e ya ta existi pa trafico riba e caminda principal, como cu avionnan di eborro (jets) tin cu tumbar di bula mas abao cu avionnan di propeller na momento cu nan ta subi;
3. e decision pa traha un edificio nobo di aeropuerto na e otro banda di e startbaan, cu lo a bira mas grandi cu esun actual, cu lo a duna mihor condicionnan, cu adenlas lo a keda situa mas favorable e.o. respecto e biento y cu alfin a resulta di tabata mas barata cu eventual gastonan di construcccion valua pa e edificio di aeropuerto actual, tambe a haci e cambio di e boulevard pa e otro banda di e pista masha deseable;
4. E preferencia cu e explotadornan di e industrianan nobo a duna pa no tin un caminda principal asina cerca di e installacionnan di e fabrica, tabata di cuater factor, cu alfin a pone Bestuurscollege d'edi pa cambia e curso di e caminda principal drasticamente.

Dia 25 di januari 1961 senor Schuit a declara durante di un reunion di varios di e hefenan di servicio envolvi den e proyectonan di urgencia y prensa di Aruba, cu e proyeccion nobo di e boulevard ya for di banda di A.T.S. lo desvia pa e banda pariba di e caminda actual, cu e lo pasa na banda noord di e aeropuerto y tirando un buelta grandi door di koeoekoe te na altura di La Esperanza na Pos Chiquito lo contra atrobe cu e caminda existente. E pida nobo lo a bira ocho kilometer largo y lo a wordo proyecta di tal manera, cu despues, asina cu esaki lo a bira necesario, un caminda dobel lo por a wordo haci di e. E brug actual riba Spasas Lago, lo no a wordo usa mas, pero e boulevard nobo lo a wordo conduci riba un brug nobo, halto y permanente riba e lagoon, cual tabata proyecta mas o menos 300 meter pariba di esun actual.



Ya caba tin 15.000 meter cubico di santu basha pa construcccion dje pida Mahuma-Balashi dje camina grandi cu awor ta cambia.

Brug nobo ta lant
Si nos mira awor, cu e proyecton di e boulevard nobo tog ta haci comunicacion cu e brug hieu na Balashi, esaki no ta muestra riba planan cambia, pero riba un medida provisoria. Construcccion di e brug nobo mancea nos sabi ta forma un parti di e Plan Arubano di Diez Anja. Como cu e plan aki te ainda no a ser aproba, n'eiun hende no por bisa cu e momento aki, ki tempo por cuminsa cu construcccion di e segundo brug. Ademal construcccion di e brug aki, tan pronto cu nan cuminsa cu e, lo tuma hasta tempo. Como cu ta ser soera, cu e boulevard cambia lo tin cu ser pon den uso pronto cu e brug, nan a busca por lo pronto un comunicacion, cu e brug existente, sperando riba e esun nobo.

Ya caba un gran parti di e boulevard nobo ta cla. E pida di mas grandi cu a bini cla ta corre for di Mahuma pa Balashi y ta cuater kilometer largo. Solamente na tin cu asfalta esaki ainda. E cantidad di santu cu nan a usa pa e parti abao di e pida di cuater kilometer, ta wordo calcula na 15.000 metro cubico. Nan ta considerando pa traha e pida di Oranjestad pa Mahuma na un cierto tempo, cu asfaltamento di esey por socode na e mesun tempo cu nan ta pone e capa nobo di "hot-mix asphalt" riba startbaan di e aeropuerto. Segun nan a informa nos mas

Trupa mericano pa Thailand

WASHINGTON, 24 mei — President Kennedy no kier a bisa nada durante su conferencia di prensa dje pregunta cuanto tempo e trupan mericano lo keda Thailandia. Gobierno lo stipula esaki na man dje situacion dje territorio en relacion.

YABI

pa bo exito

Avisa den ARUBAANSE COURANT y compara e resultado !!

TA BENDE

Un cas y un terreno eripachi 9000 m2

Den e terreno tin hopi santu y nan ta situa na Seroe Alejandro No. 10. Pa inf.: Acudi na ROMAN CROES, Sav. 332, di Jania tel. 7109

TA BENDE

CAS cu 3 dormitorio

Bon mantenè, y situa favorable

Reamurstr. 1, Companashi tel. 1689



Bo cas ta bo orgullo ora cu bo usa verf marca PIETER SCHOEN. Tambe nos ta huur equipo di construcccion na prijsnan favorable. Hac nos un bishita y lo bo sal satisfeco.

PETRONA & CROES

BO RADIO TA DEFECTO?

Nos ta dreche pa bo dentro di 3 dia
CASA ELECTRONICA
(Banda di Viana) - Tel. 5371

INGLATERRA Y E COMUNIDAD ECONOMICO EUROPEO

WASHINGTON, 24 mei. — Na su conferencia di prensa president Kennedy a declara, cu su interesnan di mundo liber y e comunidad Atlantico lo wordu sirbi mas mihor door di adision di Inglattera den e comunidad economico Europeo.

EXPLOSION NA HURLINGHAM

BUENOS AIRES, 24 mei. — Den un ciudad di Baires, Hurlingham, tabata ayera noch un explosion grandi. Un tank auto cu tabata transporta paz liquido, a dal contra un treja y a causa e explosion aki. Segun e prome noticianan tabatin un morto y nueve persona herido.

Estadonan Mericano y nan comercio cu paisnan di EEG

WASHINGTON, 24 mei. — E director pa asuntunan economico di e organizacion di estadonan Mericano, Dr. W. Sedwitz, ayera a sali pa Brusel pa ayunan e expresa preocupacion di e paisnan cu ta miembro di e organizacion tocante di nan futuro pa comercio di export cu e comunidad economico Europeo cu dia pa dia ta bira mas grandi.

Den un declaracion di e organizacion nan ta bisa, cu e organizacion lo traha na cooperacion riba e mercado door di expande e comercio entre dos mercado riba un base mas anchu y no discriminante.

America latino actualmente ta checutando un programa di desarrollo social y economico y su intencion di desarrollo ta depende masha di e entranan for di export, asina e declaracion ta bisa.

E manehcion di e limitacion Europeo riba import di koffie, carni y lana y riba uso di e productonan aki

PAZ TROBE TA REINA DEN PRISON SPANJO

MADRID, 24 mei. — Den e prison na e lugar spanjo di costa Santa Maria paz a bolbe regresa, asina circulanon semi oficial na Madrid a declara. Manera nan a anuncia tabatin mas di 500 prisionero — tur ta cumpliendo pena — largu den prison — cu a tene ayera noch demonstracionnan.

Segun circulanon menciona nan protesta tabata pa eircumstancianan di trabou den prison. E demonstracionnan a ninga di drecha den nan celda for di un patio na unda nan tabata. Te awe mainta nan por a keda ci nan pero despues a yega polis arma.

DETENCION DI CONVOOI MERICANO

BERLIN, 24 mei. — Un convoi militar dje guarnicion mericano na Berlin a wordo detene ayera mainta na e puesto di Alemania Oost di control. Babelsberg na e autopista Berlin Hannover pa mas di seis ora, pasobra nan no a anuncia di antemano e viahe dje convoi aki. E comandante dje convoi, a bisa, cu un tal anuncio no tabata necesario. Despues cu nan a keda cerca e comandante sovietico Karlshorst e convoi tabatin mag di sigui su camina.

HUELGA NA SPANJA

LONDON, 24 mei. — Lidernan dje Union Britanico pa sindicatonan a dici di ofrece ayudo financiero na e familianan dje obreronan cu ta huelga na Spanja. Na un carta pa e embahador Spanjo na London e sindicato a bisa cu e ta lamenta, cu e obreronan Spanjo ta deshaci nan mes di libertad di reunion, incluso e derecho di pa establece sindicatonan door di cual nan ta roba di un instrumento real i eficaz pa defende nan interesnan vital.

ALEMANIA OOST TA PIDI CREDITO NA REPUBLICA FEDERAL

BONN, 24 mei. — Alemania Oost a pidi na e republica federal un credito comercial di 2.4 miliard mare Aleman. asina AFP a anuncia. Na Bonn nan no por a obtene ningun comentario oficial dje peticion aki.

POLIS NA ORAN

ORAN, 24 mei. — E trupan di orden na Oran, a cohe captadnan grandi di materialnan di guerra den beslag na razzianan den e barrio Europeo Saint Eugene. Ademas nan a haci 45 arrestacion. Ta pertence na e material cu nan a cohe den beslag mas di 40.000 cartucha, 132 bazooka, 95 pistol automatico, 250 granada, y un cantidad grandi di explosivo.



Aquí riba un bunita portret dje tracee nobo dje camina grandi cambia, cu pa un gran parti ya ta cla. Dilanti nos ta mira com e camina Balashi-Sta. Cruz ta corta e boulevard nobo. Camina mas atras e construcccion ta muestra un interrupcion, esaki ta forma un pida terreno di cual ainda e donjonan ta den consulto cu gobiemo respecto su entrega. Na izquiera mas abao: un parti dje wiel dje helicopter di MLD.

CISCO KID

presenta pa cortesia di YORK e prome cigarillo tamanja IMPERIAL.


1. "Nan ta jama mi Cisco Kid... Bo rumay hember a ngunda mi... bin topa bo".
2. "No erda Juan ta?"
3. "E no por a bini cla nanja m accidente chikito".
4. "Uhm mi ta shifia?"
5. "Sini mi conseho, mi dush! No confia na ning hende di aki!"



AVENTURA DI OLLE presenta pa cortesia di SELMA'S KAPSALON

Boerhaavestr. 12 Oranjestad. Tel. 2750. REBAHA ESPECIAL PA TUR PEINADO DURANTE LUNA DI MEI. Awor solamente fl. 12.50 pa clientenan di luna!

E hendenan ariba e barco ta busca un cabuya diki y duna y nan ta comete rond dje nek di e bay na v e e camina trek... Un dos tres... Mesora e barco ta los for di e is. Y e capitán v su hende nan por sigui na baya. Pero Olle a ngun hende forto kere ora cu of eotamya e kaptan ta bisa. Ta san mes Olle ta bisa pasobra cu e kabouterman kier nuda e descoteci.



Su Mahestad La Reina y Su Alteza Real Prins Bernhard a queda mashe sorprendi ora cu burgemeester Kalfschoten a presenta e regalo di Burgemeester di La Haya, damast-Nassauden cassette. E damast aqui a ser importa corto prome cu morto di Prins Frederik Hendrik pa uso na Casa Ten Bosch.

tur cos dje lado objectivo. I m'a per
di tai manera;

nan a casa cumé? Tur tur cos tabata mentira....."
„Agnes, ta' quico bo quier bica cu „Agnes.....”

Nan a existi pena di morto contra general Salan

PARIS, 24 mei — E fiscal den proceso contra Salan a existi contra e ex-general pena di morto. Henter Francia a condena moralmente e hecunan di cual nan ta acusa e general, segun Andre Gavaldá, fiscal dje proceso. Mi no ta duda, en historia lo gratifica e condena aki. E organisacion rebelde, asina el a bisa, a comete un secul di crueldadnan concul.

Gavaldá a recorda e decisionnan oficial dje pueblo frances via e votacion y a bisa en un alzamentu di stem, cu nan mester evita pa cuakier precio un guerra civil.

Gavaldá a papia durante dos ora. El a pone acento riba e direccion di Salan. „Salan, tabata boso conductor, y boso a sigui siegamente. Boso por a domina boso impulsanan y admiti boso fout, boso por a para un asesinato. E temer y derramamentu di sanger. Pero boso a prefera silencio. E unico straf cu mi ta existi ta inevitable.”

Gavaldá a bisa en podiser e razonnan di Salan den eunizamentu tabata bon. „Pero vanidad a podera di dje poco poco y e oposicion a bira mas fuerte”. Gavaldá a bisa cu e orden di Salan na ehecto secreto na tira riba forzanan di seguridad y comete hecunan di sabotaje y asaltonan di banco, tabata e crimen di mas grandi di su carrera di ex general. Mostrando riba

Salan, fiscal a bisa cu incomprendible, en abo ex-general Salan, por a ordena bo hombernan di forma celan y sembla e semilla di crimen contra e pueblo frances. Ora cu Gavaldá a existi pena di morto, Salan a keda serio. Segun Gavaldá e orden di Salan pa mobilisacion y armamentu di voluntarianan en ta consisti di tripanan reserva durante e putch ta uita un guerra”. Pero e orden di Salan a cu riba su mes cabez.

De bez en cuando Salan ta gara el banki di acusado y ta morda riba su lip, ora cu Gavaldá a acusa ehecto secreto di intentonan pa tumba e gobierno constitucional di Francia.

Pierre Mennot tabata un dje defensornan di Salan, cu a tuma palabra. „Salan a haci un carrera militar masha bon. Nunca e kler a tuma e poder e mes. Salan sa ta kiko ta proteha pueblonan den paisnan ultramar y semper el a rechaza tur teoriaman tocante inferioridad o minoridad di razanan.

Lagrima tabata corre for di wowo di Salan mientras e tabata sencha e defensa, cu e siguiente defensor, en ta bini di Argel, George Goutermanoff a tene.

Lo ta incristiano pa mata Salan. Aki nan ta prepara un asesinato, asina Goutermanoff a bisa. „E homber aki a tene su promesa, cu el a haci na nomber



di Francia. Ta e unico, di cual nan por acuse”. Y ora bo general, mester muri, e ora ei nan mester claba bo na cruz, v huntu cu bo nos tur. Den nomber di tur mama, dje pueblo di Argelia, cu ta yen di dolor, pasobra nan kler nan pais keda frances, mi ta duna bo general, e saludo militar y mi ta bisa bo: mi ta gradeci bo y mi ta saludá bo, general.

Como di tres y ultimo defensor a papia Jean Louis Tixier Vignancourt. Despues e president di justicia, Charles Bonnet, a puntra Salan si e tin algu di bisa. E acusado a lanta para y respond: „Solamente esaki mi tin di bisa: biba Francia”.

Despues nan a suspende e sesion pa duna e corte militar di justicia e oportunidad di conferencia dje sentencia. Esaki, tabata pena perpetua den prisoon.

Suechi Spanjo pa Gelderman. — Despues di e duodecimo etappe dje ronde di Spanja e hulandes A. B. Gelderman a ocupa di decimoquinto lugar den e klasement general. Gelderman a bira vencedor dje decimo etappe, di Valdepenas pa Madrid, pa cual prestacion den e afamado stadion di capitol Spanjo el a ser recompensa cu un heso di un belleza Spanjo.

Astronauta Scot Carpenter, e homber cu quizas e siman aqul mes lo ta na turno como tercer astronauta di Estados Unidos.

Our special cake of the week is:
ALMOND CAKE FL. 5.—
Delicious Pies a weekend treat for your family.
Every week:
FRESH CREAM CAKE FL. 6.50
Royal Bakery Rainbo Bakery
Tel. 1327 SAN NICOLAS
ORANJESTAD Tel. 5064



POLITICONAN DI P.P.A.

(Cont. di pag. 1)

tinjon di raza, credo, religion, color politico, rico of pover EDUCACION PORNADA. Antes hopi familia pover tabata ser stroba den duna nan yunan bon educacion, simplemente pa motibonan financiero.

Awe ya no t'e caso mas. Y hustamente den e familiaran aki tin hopi hoben cu bon cabez, pa studia. P.P.A. huntu cu Pueblo di Aruba ta orguyoso cu esaki a ser logra door di su lucha continuo pa mehora situacion di Pueblo ariba terreno social y educacion. Y awe Aruba ta e UNICO isla den Antillas cu tin educacion liber. E punto culminante den P.P.A. su programa pa JUSTICIA SOCIAL ta e kibramento di e ley DESCRIMINATORIO cu e Gobierno bieuw a traha cual ta empugna cu e derechonnan fundamental di democracia y cu tabata prohibi obreronan di organiza nan mes. na un manera HUSTO Y DECENTE. Esaki a duna motibo tambe cu awe obrerismo ariba Aruba por mira diferente organizacion di obrero cu a wordu lama. Esaki ta proba P.P.A. su sentimiento pa cu e causa obrerismo. Tambe P.P.A. a traha leyman cu ta proteha tanto donjon di trabao como obreronan, hasa ariba principionan democratico.

Loke nos a menciona den e resumen chikito aki, ta un parti masha chikito di e tantisima trabaoonan cu P.P.A. a logra checuta pa progreso, bienestar y felicidad di henter e comunidad Arubano. Falta pa menciona trabao ariba terreno Turistico, esta por ehempel Hotel Turistica cu a mira luz di claridad y mientras e Gobierno bieuw a purba no menos cu 10 biaha pa construi uno sin nunca logra. Un poco siman pasa o'ro oporcion a ser duna na un compania grandi pa construcion y explotacion di un Hotel di 420 kamber. Y asina nos por sigi menciona trabaoonan manera Hydroponics, Bunker Station, Boulevard „randi di Playa pa Malinok. Construcion di Planta di Awa di mas „randi di mundo; otro Boulevard grandi di Playa pa Pos Chikito y asina nos por sigi menciona un cantidad di trabaoonan grandi y chikito, pero tur na bienestar general di e Pueblo di Aruba.

Paz, ord eny tranquilidad:

Un di e facietanan primordial di un bon Gobierno, y pa atrae inversion estranhero, ta cu mester existi paz, orden y tranquilidad den nos comunidad Arubano. Pesey mester existi harmonia den Pueblo. P.P.A. su programa ta basa ariba principionan di democracia y a percura pa e ambiente den Pueblo di Aruba ser di tal forma, cu e ta crea confianza serca nos madre patria y den estranhero.

Esaki ta e promé fundamento pa progreso, bienestar y felicidad di un Pueblo progresista. Hulanda cu a deposita publicamente su confianza den e Gobierno aki y tambe den su representantenan, a priminti a base di esaki en principio pa yuda financieramente ehecutacion di tur nos plannan pa mehora economia di nos du-shi isla.

Pesey un politica hiba cu instigacion no por hiba Aruba dilanti y te

hasta por causa un desastre grandi pa nos Pueblo, pa via di politiconan irresponsable.

Tur loke nos a menciona aki riba ta costa plaka. Di tin of otro manzera mester crea posibilidad pa hanja fondo pa realiza tur desecnan di un Pueblo progresista. Un Gobierno por hanja fondo door di prestamo y door di Belastingnan. Pera ora un Gobierno hiza belasting ta su deber tambe di mustra Pueblo na kiko e plaka di Belasting ta ser gasta. P.P.A. na tur momento por duna y a duna cuenta di e plaka di Belasting, cu ta ser gasta na beneficio di Pueblo. Ningun Gobierno den mundo por traha sin cobra belasting, pasobra ta fofa Pueblo ta ser paga. Pesey cuakier Partido cu ta bini cu e pretencion di baha belasting, ta actua solamente cu miras politico, pa asina trata di hanja algun votos.

Un gobierno no solamente mester wordu huzga pa su programa ariba papel, pero tambe pa su HECHONAN. Laga Pueblo huzga trabao di Partidonan cu a goberna 30 anja largo y loke P.P.A. a haci y tin pa haci ainda. Laga pueblo huzga y pisa representantenan di cada partido, segun nan capacidat, personalidad y prestigio. E politiconan premiente cu tin den Partido Patriotico Arubano, ta conciente di na: deber moral y responsabilidad pa cu e Pueblo di Aruba y ta respalda Sr. Juancito Irausquin, servidur di Pueblo, den su intento y ideal Patriotico pa lucha pa progreso, bienestar y felicidad di henter e Pueblo di Aruba.

PLAN EUROPEO PA DE GAULLE

PARIS, 24 mei. — E corant „Le Figaro” bon informa di Paris, a anuncia ayera, cu nan lo delibera tocante e plan cu nan a stipula pa De Gaulle pa tene un eleccion general na herfst di e anja aki tocante e union politico venidero di Europa, cu Bonn, na Roma. E corant a bisa, cu Alemanan West y Italia ta dispuesto, pa propone na nan respectivo parlamentonan un ta l'pregunta como hi De Gaulle por a propone na e pueblo Frances.

E corant ta bisa tambe cu e hefe Frances di estado aki lo trata ora cu premier MacMillan yega Paris na eunizamentu di juni, di trata pa co-convence e gobierno Britanico, pa entre un proposicion cu acuerdo cu e otro na Camara de Los Comunes.

„Le Figaro”, a bisa cu ta admittible, cu De Gaulle solamente kier acerca cu su proposicion e reblica federal, pero ta laga e otro tres estadonan miembro di e comunidad economico Europeo — e paisnan di Benelux — for di consideracion.

E semenal inoficial Vaticano „Op-servatorre Della Domenica”, a duna ayera como su opinion, cu e politica di De Gaulle ta un paso mas atras den e lucha pa un Europa Unific.

Refugiadonan chino for di Hong Kong pa Merca

WASHINGTON, 24 mei. — President Kennedy a anuncia na un conferencia di prensa, cu na lo admiti varios miles di e refugiadonan Chino for di Hong Kong na Merca. E consulado Mericano na Hong Kong a duna hopi di refugiadonan permiso pa admission den Merca riba basis dje mesun decision di congreso.

Na Kloos Kinderdijk pa un motibu desconoci un cabina dje kranan grandi a pega candela. Tabata un incendio espectacular cu a jama masha atencion.



ARIES
21 Maart — 20 April



TAURUS
21 April — 20 Mei



GEMINI
21 Mei — 20 Juni



CANCER
21 Juni — 22 Juli



LEO
23 Juli — 22 Augustus



VIRGO
23 Augustus — 22 September



LIBRA
23 September — 22 October



SCORPIO
23 October — 22 November



SAGITARIUS
23 November — 21 December



CAPRICORNIUS
22 December — 19 Januari



ACUARIUS
20 Januari — 18 Februari



PISCES
19 Februari — 20 Maart



EL DIARIO DE UNA VIDA presenta pa cortesia di: PIET'S SODA FOUNTAIN

★ e mehor adres pa snacks, tur clase di dushi, softdrinks, ice-cream y revistas

1. „Mi ta rico, consentida, casi maldita... y mi a namora di un historiadur kende su unico amor ta e pasado”.
2. „Kiko bo bota di cristal ta bisa?” „E ta bisa cu esun cu mira hopi den e bolanan di glas ta termina comiendo glas mulla... pero...
3. Pero ho ta stima bo enamorado... Pues buskele, Peli! Buskele prome cu bo ordele!”



PEPITA

pa cortesia di: **Antillian Hardware Co**
Bo mehor adres pa HERMENT, Y TUR MATERIAL DI CONSTRUCCION!

1. „Mi ta bai mira si mi por convence e hefe pa e duna mi vacante...”
2. „Hefe, e'ceta ta mustra en un par di dia di descanso lo aumenta bo eficiencia di e trabahador...” „Bon idea”.
3. „Lo mi bolbe bek denter di algun dia, haci bo cargo”. „Jamás lo mi bolbe contra den ciencia”.

